

野史纂略



二下

|    |    |    |    |                |
|----|----|----|----|----------------|
| 冊數 | 記号 | 番号 | 部類 | 湯賀縣尋常<br>中學校藏書 |
| 七  | 一  |    | 史  |                |

|       |
|-------|
| 210   |
| 91    |
| Vol 3 |

滋賀縣立  
學校藏書印

十六年春正月五日徙封伊豆守松平信綱於武藏  
河越。豐後守阿部忠秋於武藏忍。十四日徙封志摩  
守三浦正次於下野壬生。二十八日徙封出雲守松  
平勝隆於上總佐貫。二月十日令書院番頭輪年各  
帥其隊伍守駿河城。三月三日徙封下總守奧平忠  
明於播磨姫路。能登守本多忠義於遠江懸川。加賀  
守大久保忠秀於播磨明石。丹波守松平光重於美  
濃加納。大膳大夫松平忠重於信濃飯山。內記本多  
政勝於大和郡山。先是甲斐守本多政朝為叔父忠  
朝嗣。食大多喜五萬石。及兄忠刻卒無嗣。政朝襲封

食姬路十五萬石。以忠朝子政勝既長還。大多喜其  
後政勝徙封播磨。食四萬石。政朝之卒。以子政長尚  
幼。讓姬路於政勝。曰。待吾兒年長還之。於是政勝併  
食十九萬石。然待政長甚薄。為時所譏。至是徙封郡  
山。仍食十九萬石。二十四日。寬永寺東照公廟火。  
夏五月朔。紅毛來聘。二十日。試紅毛所獻震天雷於  
麻布。六月五日。徙封伊勢。守水谷勝隆於備中松山。  
秋七月五日。令諸國曰。國家嚴禁邪蘇。南蠻非不知  
也。然往往潛遣其徒。蠱惑百姓。竟啓禍亂。自今已後  
嚴禁來泊。若有來者。毀其舩。誅其人。天下郡國警察

海濱。若有蕃舶漂著者。速送之長崎。一如舊令。十三  
日。封水戶公子賴重於常陸下館。賜五萬石。二十六  
日。久能山塔成。遣使告日光神廟。八月十一日。江戶  
城火。執政請命諸侯救之。將軍曰。是天災也。不可  
得救。救之必將傷人。乃命警衛諸門。避火西城。殿宇  
蕩盡。寶器多燒。唯殿宇僅完。九月二十一日。將軍  
女千代姬適尾張世子。冬十一月。越前地大震。北莊  
城崩。是歲日向守水野勝成致仕。子美作守勝俊襲  
封。波羅泥亞國主來長崎。唱邪蘇教。捕而誅之。逐諳  
厄利亞種類。居長崎者五十人。於阿媽港。南蠻舟來

長崎。將軍遣大目付井上正重於長崎。讓曰汝等  
知我大禁乃敢來泊無狀甚矣。然今特宥汝等。汝等  
慎勿再來萬一犯禁必誅無赦。  
十七年春正月六日地震。是月禁市人奢侈。二月  
五日地震。三月二十七日燒殺蠻人二人。邪蘇餘  
黨也。夏四月十三日。將軍如日光。二十一日還自  
日光。是月江戶城成。五月二日。將軍臨讚岐守酒  
井忠勝別莊觀歌舞。十四日臨紀伊邸觀散樂。十七  
日南蠻船復來長崎。乞互市。六月二日遣大目付加  
加瓜直澄於長崎讓蠻人曰汝等屢犯大禁是蔑我

令也。今日不復赦汝。乃斬六十一人。宥十三人。給小  
船放還之。曰汝速還報使汝國知我國禁之嚴。燒蠻  
船及貨物十二日。增大目付井上正重祿六千石。凡  
一萬石。先是。將軍觀歌舞令列侯已下著絲服。唯  
正重禮服而至。將軍怒曰。汝何為違令。正重曰。臣  
以為今日之令止於列侯。諸有司不與焉。將軍曰。  
汝喪心與。正重曰。臣實不喪心。將軍益怒而起。衆  
謂正重曰。何批鱗至此。正重曰。吾今日以死自期。不  
圖。將軍仁恕乃爾。即請執政屏居。將軍釋而不  
問。尋有此命。二十日臨水戶邸。秋七月二十六日流

讚岐國主生駒高俊於出羽賜一萬石於子刑部高俊土井利勝女婿。性甚癡騃。老臣前野助左衛門專權。每事詐言土井氏所命。或言稟旨。幕府執政僚輩不能爭繇。此國多秕政。士民日離。國老生駒將監憂之。來江戶請執政。曰：弊邑之政願遵父祖遺法。不必取旨諸君。執政驚怪。召前野詰問。前野曰：臣初不咨稟諸君。將監妄矣。乃召將監對辨。將監探懷取書呈執政。執政覽之示前野。前野視之曰：彼曾餽魚於臣。此乃答書。有何干涉而呈之。其愚如此。宜其妄言也。將監曰：此果卿手書耶。曰：然。將監乃出書數十通。

曰：此皆彼手書。議政事者請以此斷之。執政覽之果如其所訴。執政乃執前野下獄。將軍聞之曰：吾非不知高俊不肖。然彼勲舊之家。吾姑優容之。今乃落禍至此。遂處流。然憫其愚。給刑部以采地。命族前野連坐者衆。是日流侍從池田輝澄於伯耆。賜一萬石於子政直。輝澄參議。輝政第四子。寵臣曰答遊白。與老臣北河四郎右衛門相結弄權。老臣伊木伊織怒請骸骨不許。乃出奔。群臣多從之。遂坐失播磨完粟六萬石。伊木北河等皆伏誅。九月十六日。將軍命參議毛利秀元構館於品川。往遊焉。秀元供張甚盛。

將軍大悅。厚賜之。秀元十餘歲赴朝鮮之役。以材武  
聞。旁善和歌。好茗飲。將軍恒曰。此吾良友也。屢召  
之談論。世呼曰話衆。二十八日徙封若狹守松平。康  
信於攝津高槻。增出羽守北條氏重封地一萬石。冬  
十月二十二日。尾張大納言水戶中納言獵於石神。  
將軍賜之以鷹。命伊豆守松平信綱指麾士卒。中納  
言射獲鹿五頭。十一月十五日。尾張邸火。世子與夫  
人避之水戶邸。十二月六日。將軍臨掃部頭井伊  
直孝別莊。十八年春正月二十九日。江戶桶町火。延燒數里。南

至增上寺。東至海濱。西至麻布。北至御成橋。焚死者  
三百八十餘人。將軍方命諸侯脩城。為之罷役。二  
月十一日。命列侯已下進家譜。藏之日。光寶庫。令備  
中守太田資宗掌其事。三月十日。將軍獵於葦。二  
十七日。越中守細川忠利卒。年五十二。殉之者衆。子  
光尚嗣。夏四月二日。紅毛來聘。十八日。將軍放鷹  
中野。見步卒販竹木。明日召隊長讓曰。卒伍販物。既  
已禁之。今渡邊彌之助隊卒犯禁。減死一等。放之境  
外。自今已後。犯者無赦。秋七月二十三日。日光寶塔  
成。先是。將軍欲寶塔制作堅緻。問執政曰。銅鐵與

石孰堅。執政不敢答。前彈正少弼嶋田利正以多智聞。將軍召而問之。利正曰。若能脩補豐國廟。則日光之塔萬世不廢矣。執政歎伏。將軍命造以石。採之赤那木山。道路甚艱。鑿山填谷。石尤大者至用三萬人輓之。其費不貲。八月三日。以寶塔成。遣使日光。是日。世子竹千代生。冬十月三日。天皇遣使賀。世子生。十九日。饗天使於城中。奏散樂。將軍好歌舞。每日觀之。自世子生。不復觀。左右請進之。將軍曰。吾既生子。而猶耽嗜歌舞。非所以教子也。終身不復觀云。是歲。徙封甲斐守山崎家治於讚岐。元

龜始城焉。以天草嶋屬肥後。代官命筑前守黑田忠之肥前守鍋嶋勝茂掌長崎防備。將軍常曰。東照公以英武戡定禍亂。台德公亦屢勞軍旅。惟吾生享富貴。無功可稱。故吾常戒偷安。以備不虞。至天下要衝之地。選人材以守之。庶幾以報祖宗之德也。嘗謂長崎奉行曰。薄海之內。有異姓代興。是吾家之耻。而非天下之耻。若喪寸土於外國。實天下之耻地。卿等以此為意。

十九年春正月十一日。徙封加賀守堀田正盛於下總佐倉。二月九日。世子拜山王祠。執政傳命三藩。

扈從焉。尾張大納言曰。焉有納言之官而扈從無官之人者邪。執政曰。世子將軍儲嗣非他無官之比也。曰。若言其父。吾三人非大臣子邪。執政曰。請為將軍屈。曰。昔北山行幸。足利義滿以幼兒義嗣班關白上。後世譏其僭今日之舉。吾恐將軍之貽譏後世也。執政語塞。乃使三藩先行。二十八日徙封右京大夫。松平賴重於讚岐高松。三月三日始置勘定頭。以播磨守伊丹康勝。紀伊守酒井忠吉。內藏允杉浦正友為之。是月將軍聞麾下士多窮乏者。悉召見之。人人以為。世子新育必有惠賜。將軍方患頭

痛怕首而坐。謂衆曰。聞卿等窮乏不能供軍役。一旦緩急將奈吾何。乃泣下。衆莫能仰視。將軍曰。自台德公薨。吾贍救卿等者數矣。吾亦久不朝京師。卿等何為窮乏。乃爾。得非極奢侈邪。衆莫能答。讚岐守酒井忠勝進曰。將軍屢贍救群臣者。將以備緩急也。而今平日宿直。猶或不能辦。無乃狃國家之恩歟。此後將軍不復贍救。群臣果能奮勵。寧不能自給乎。將軍乃起。忠勝謂衆曰。國家始遷江戶。百事儉素。上下不困。而昇平日久。物力豐裕。人始以靡麗相誇尚。其費陪蕪。往日勢不得不貧。於是請幕府



借金穀。隨請隨許。此諸君之所以益貧也。將軍今日之言。乃所以勵諸君。諸君銘肝勿忘。然恤窮一事。亦不可廢。僕等當議之耳。是春命儒官編輯諸家系譜。夏四月十三日。將軍如日光。二十日還自日光。五月朔。始令普代諸侯。遍年就國。春夏之間。諸國大饑。餓莩滿路。江戶富商與幕府諸吏。結黨閉糶。已而事覺。代官處刑者數人。其餘連及甚衆。秋七月十九日。大坂城代阿部忠次來江戶謁。世子八月十三日。將軍臨讚岐守酒井忠勝別莊。九月五日。徙封監物水野忠善於參河吉田。封大番頭伊賀守松

平忠晴於駿河田中。冬十一月二十五日。前飛驒守立花宗茂卒。年七十四。十二月十五日。以和泉守松平乘壽為世子。老中是歲徙封隼人正水野忠清於信濃松本。遣大目付井上正重於東海道。訪民疾苦。

二十年春二月十六日。大藏少輔青山幸成卒。子幸利嗣。十七日。將軍召麾下士。令曰。奢侈國之禁也。如聞近歲犯法奢靡過度。自今已後。犯者處嚴科。三月二十日。造相輪塔於日光。夏四月十五日。前伯耆守青山忠俊卒於配所。將軍念其忠。召子因幡守。

里史纂略 卷二 四十一  
宗俊賜三千石。為書院番頭。堀田正盛問衆曰：彼為誰？衆曰：為青山因幡。正盛曰：伯州子耶？宗俊問曰：是何人也？衆曰：是為加州宗俊曰：勘左衛門子耶？一座失色。時正盛權勢薰熾，內外趣附。聞者歎曰：真伯州子也。五月三日，會津侍從加藤明成稱病辭封，沒四十萬石。明成性貪，專為聚斂，國人不服。老臣堀主水驟諫，不納。主水亦頗驕奢。若臣遂有隙。主水家士與人爭訟有理，明成罪之。主水營救，明成怒，罷其職。主水乃與其二弟率妻子徒屬三百餘出奔，發銃火橋而去。明成大怒，發兵追之，不及。主水匿於鎌倉。聞明

成追索甚急，走高野山。明成遣使索之，僧徒不出。明成益怒，請將軍曰：願以臣國易主水，將發兵。主水避之，紀伊民家。明成請紀伊索捕。主水竄躄，遂來江戶。訴明成十餘罪。將軍命問明成，明成獻父時誓書以明無貳。將軍曰：主水所訴不為無理。然舉兵去國，是叛臣也。乃捕主水兄弟，賜明成。明成大悅，誅之。妻子匿於鎌倉尼寺。明成遣人捕之，寺主大怒，因天樹夫人訴之。明成遂稱病納城邑。先是明成弟民部少輔明利卒無子，沒二本松三萬石。加藤氏亾矣。六月，將軍念加藤嘉明之功，憫其絕祀，封明成子

聖史纂要 卷二  
川友於石見安濃。賜一萬石。秋七月四日。徙封肥後守源正之於陸奧會津。左京大夫丹羽光重於二本松式部大輔榊原忠次於白河。會津自蒲生氏已後。城主皆亡。時人以為不祥之地。正之就國。勵精圖治。命老臣定法令。老臣草數十條進之。首云禁鬪爭。正之覽之曰。將家立法。在使一國尊尚武勇。若禁鬪爭。是使武夫忍耻苟免也。安在其尚武且法令繁則人不得不犯。今治吾國十餘條足矣。乃改定之。蒲生氏用刑最酷。正之命悉除之。後讀小學大悅。遂焚老佛之書。興學校。建社倉。教化大行。陸奧獷悍之俗頓革。

十日右衛門佐黑田光之捕邪蘇之徒獻之。十八日朝鮮來聘。獻鐘日光神廟。二十六日世子徙居二丸。八月四日始置新番。先是後宮婦女給事至老者。請以親族一人補官。將軍欲以補兩番。大炊頭土井利勝曰。兩番之職。所以待參河勲舊。且諸藩子弟求仕者亦皆補兩番。奈何以雜流補之。將軍然之。乃置是官。給米二百五十苞。許不畜馬。此時食三百苞者皆畜馬。云九月朔。天皇遣使賀。世子徙二丸。是月將軍乳母齋藤氏死。齋藤氏內藏介川三女適佐渡守稻葉正成。生丹後守正勝。及將軍

生為之乳母。傾心保衛其後。公子忠長恃寵耦嫡。齋藤氏憂之。密告東照公。公來江戶定嫡庶之分。將軍得無患。繇此將軍深德之。後給三千石待遇。甚厚。外孫堀田正盛亦獲殊寵。嘗往京師。天子召見。賜號春日局。及病。將軍臨其宅者三。尋死。賜銀三千錠。米一千苞。冬十月二十一日。天皇讓位。皇太子。將軍遣讚岐守酒井忠勝伊豆守松平信綱賀之。是月忠勝任左近衛權少將。信綱任侍從。後光明天皇正保元年春正月二十九日。將軍放

鷹隅田川。二月九日放鷹麻布。十六日放鷹王子。三月朔臨尾張邸。徙封大和守松平直基於出羽山形。土佐守松平直良於越前大野。能登守本多忠義於越後村上。八日將軍放鷹千住。馳而還。從者皆後。惟堀田正盛阿部忠秋阿部重次。本目權兵衛中根次郎右衛門河內傳七從焉。九日日光地震。石壁崩。十五日命讓從官輒弱。賜正盛忠秋重次名刀。餘皆賜黃金。十八日徙封出羽守北條氏重於駿河田中。內匠頭牧野信成於下總關宿伊賀守松平忠晴於丹波龜山。先是龜山城主菅沼定昭卒無子。國除。至

是賜忠晴十九日。將軍放鷹麻生二十二日獵於石神。二十五日下總守奧平忠明卒。子忠弘嗣。夏四月五日。將軍放鷹隅田川。十日石見守松下長綱坐喪心。没三春三萬石。長綱曾祖曰之綱。豐臣關白嘗為之家奴云。五月十一日。將軍觀漁品川。二十二日放鷹麻布。二十四日公子長松生。是為甲斐參議綱重。六月二十五日琉球來聘。秋七月十日大老。大炊頭土井利勝卒。年七十一。子利隆嗣。初。前將軍之薨。物議沸騰。人心危懼。利勝建謀鎮定。天下晏然。事闕而不傳云。利勝秉政。務總大體。不尚苛察。天

下稱為名相。晚年忤旨。稱病不出。及病篤。將軍念其功。親臨其家問病。利勝感泣尋卒。十九日將軍臨加賀守堀田正盛淺草別莊。八月十日臨東海寺聽訟。十九日遊隅田川。二十二日遊王子。九月十四日放鷹道灌山。冬十月五日召參議毛利秀元於西城。設茗宴。十二日放鷹隅田川。二十四日先是執政會評定所。每月三次。是月定為六次。十一月五日將軍放鷹新田嶋。二十日遊日黑。十二月八日臨水戶邸。二十七日放鷹麻布。二十八日紅毛來聘。是歲清高林友官周辰官黃五官信那蘇教發覺。將軍

召而鞠問將誅之。三人哀訴曰願改過減死。按驗舶來邪徒。將軍許之。命還長崎。二年春正月二十四日命諸侯浚江戶城溝。二十六日將軍臨品川別館聽訟。三月十一日徙封和泉守松平乘壽於上野館林。備中守大田資宗於遠江濱松。越前守本多利長於遠江橫須賀。兵部少輔井伊直之於參河西尾。安房守秋田俊季於陸奧三春。市正松平重頼於豐後杵築。壹岐守小笠原忠知於參河吉田。監物水野忠善於岡崎。十五日月赤如丹。是月右近大夫池田輝興坐喪心沒播磨赤穗五萬。

四千石。夏四月五日加賀少將前田光高卒。子綱利嗣。十一日營東照公原廟於參河瀧。二十三日世子任大納言。五月十六日將軍臨加賀守堀田正盛別莊。十九日遣巡察使於諸國。閏月六日加賀前中納言前田利常請割越中富山十萬石封第二子利次。割加賀大聖寺七萬石封第三子利治。許之。六月二十二日徙封內匠頭淺野長直於播磨赤穗。長直以赤穗無城。因監物水野忠善請築城。將軍曰赤穗地非衝要。何以城為。執政告之忠善。忠善歎曰僕不得復見諸君矣。乃起。執政怪之。呼還問故。忠

善曰。昔台德公賜笠間城於長重。長重傳之長直。為城主者二世。一旦將軍奪其城。徙之無城之地。長直不得復列城主。所以有此請也。而將軍不許。長直上愧於父祖。下愧於儕輩。必將棄城遯世。顧使長直至此者。忠善也。勢不得坐視。要當攜手同行耳。執政具以白。將軍曰。吾嘗許之。然必用已資財。不得仰給於我。訖功之間。為免課役。長直大悅。遂城赤穗。二十七日。徙封河內守井上正利於常陸笠間。二十九日。徙封備後守水野元綱於上野安中。秋七月二十六日。將軍遊隅田川。八月朔。越前參議忠昌。

卒年四十九。殉者七人。子光通嗣。十一日。將軍臨加賀守堀田正盛第。晦。觀漁品川。九月二十一日。放鷹板橋。二十三日。放鷹隅田川。冬十月二十二日。放鷹麻布。十一月三日。世子臨掃部頭井伊直孝第。觀猿樂。七日。將軍臨讚岐守酒井忠勝第。觀近臣擊劍。十九日。放鷹千任。二十二日。放鷹深井。十二月朔。前參議細川忠興卒。年八十二。二十二日。將軍放鷹麻布。二十五日。放鷹上鍋嶋。二十六日。遊小石川。二十八日。紅毛來聘。

三年春正月八日。公子德松生。所生本莊氏是為。

常憲公二月十八日將軍放鷹本莊十九日放鷹  
中野三月五日觀麾下調馬於高田馬場二十三日  
觀寶藏院弄槍二十六日禁放紙鳶時有然燭紙鳶  
放之者適墮城中故有是禁二十七日但馬守柳生  
宗矩卒年七十六子宗三嗣宗矩父宗嚴以擊劍聞  
天下宗矩傳其法將軍好劍就而學焉宗矩隨事  
規諫多所裨益將軍每曰宗矩通曉大體吾於政  
事亦師彼耳及卒悼惜特奏贈從四位下是後將  
軍或有所疑每歎曰宗矩既沒吾諮之何人人以此  
知其有輔導之功矣二十九日將軍放鷹王子夏

四月八日遊本莊是日小從人赤井弥兵衛遇小姓  
高嶋左近於塗左近從者觸弥兵衛弥兵衛叱之左  
近怒曰何不斬之從者皆挺刀進弥兵衛格鬪斬一  
人左近乃下馬揮槍縱殺之逃入伊豆守松平信綱  
第弥兵衛僚友數十人聞之至信綱第請出左近信  
綱家士對曰高嶋君實在弊第吾等為諸君防衛勿  
以為意僚友不能爭信綱具以聞左近祖母為尼在  
後宮為之哀訴九日弥兵衛僚友請誅左近十日遣  
豐後守阿陪忠秋等於信綱第賜左近死左近好勇  
任俠從者皆曉壯將軍寵幸之及死人皆惜之前



彈正少弼嶋田利正聞之曰善游者溺善騎者墮左  
近好關陵人其及也宜矣。十七日尾張大納言獻  
東照公年譜。五月九日將軍臨東海寺。二十八日  
麾下渡邊源三與出羽守水野忠職家士闕於神田  
橋斬之。執政以聞。將軍曰陪臣無禮斬之何罪。六  
月將軍臨加賀守堀田正盛第。秋八月七日參河  
瀧東照公原廟成。十八日東叡山座主守澄法親  
王至自京師親土。後水尾天皇第三子皇子補  
日光祭主。始此。二十六日將軍放鷹隅田川。冬十  
月二十日先是明人鄭芝龍遣使長崎乞援兵。小將

軍召三藩及執政議之。三藩皆請往援。掃部頭井伊  
直孝進曰。三君之議壯矣。然芝龍外國一將。援之何  
功。議不決而止。適長崎奉行報曰明兵既敗。芝龍降  
清。將軍乃令長崎奉行諭使者還之。是日召諸侯  
告以其事。芝龍嘗來肥前平戶。娶田川氏生子成功。  
芝龍還明。迎成功母子。清兵之陷泉州。田川氏投河  
而死。清兵吐舌曰。婦人尚爾。日本之勇可知也。及芝  
龍降清。成功獨擁衆不降。十二月三日。天皇遣  
使賜東照公宮號。是月紅毛來聘。始給之餉。從其  
請也。

四年春正月二十日將軍放鷹淺草。臨加賀守堀田正盛第二十八日放鷹目黑。二月晦放鷹雜司谷。三月十一日觀漁品川。聞代官伊奈半十郎用心民事。賞以白金。十五日聞隅田川遊人甚盛。遣大和守久世廣之往視。廣之還報曰。遊航蔽水。歌吹喧闐。陸則士女填溢。望之如雲。將軍悅曰。民心不和安有此樂。二十六日放鷹千住。是春伏見奉行遠江守小堀政一卒。子政之嗣。政一從織部正古田重能學茗飲之法。名冠一時。凡百技藝莫不兼綜。時人推為鉅匠。夏四月二十九日將軍放鷹麻布。五月十五日

地大震。江戶城石壁崩。六月朔大將軍泛舟隅田川。觀從臣游泳。十二日命豐後守阿部忠秋饗三藩於隅田川。各給巨船尾張日本丸。紀伊天地丸。水戶朝日丸。聚漁夫捕魚。船舸鱗錯。兩涯觀者如堵。至暮而罷。二十一日先是波爾杜瓦爾戰艦二隻來長崎請互市長崎奉行馬場利重命。西海諸侯出兵備之。來會者四萬九千五百餘。造舟梁浮大木。繫鐵巨索。斷蠻船歸路。是日飛報至江戶。二十二日令長崎奉行曰。務嚴防備。驗問夷情來報。彼若奪路逃去。掩擊塵之。二十五日將軍泛舟隅田川。觀近侍游泳。秋七

月十一日命筑前守黑田忠之就國。備蠻船二十八日遣大目付井上正重於長崎。諭波爾社瓦爾人曰。汝知我有嚴禁乃敢來請。不遜甚矣。然使人有禮。吾暫放還汝。慎勿再來。八月四日北地震。十六日命諸侯脩石壁。九月十二日將軍放鷹高田。十六日命林道春講貞觀政要十九日放鷹雜司谷。二十日筑前守黑田忠之獻紅毛人所齎白鹿二十三日命水戶中納言放白鹿於鹿嶋。冬十月二十九日將軍放鷹本莊。十一月十三日命薩摩守嶋津光久試犬追物於王子。臨而觀焉。十四日大坂城代備中守阿

部正次卒年七十九。先是將軍聞正次病篤遣子對馬守重次往省。重次馳至大坂見父危篤謂衆曰。城中恐非屬續之地。請遷於別業。衆然之。重次泣而告正次。正次曰。吾之補此職。將軍面諭曰。大坂畿內衝阨。近之守護。皇城遠之控扼。西南諸侯卿吾家舊將為吾往守。吾對曰。臣以不肖受重任。將何以堪。但時屬昇平。海內無憂。萬一群盜竊發。臣請以死守。吾之所以許將軍者如此。今吾目未瞑。奈何授城於人。且築城鑿池。所以備變。變起不意。憑城以戰。積屍成丘。亦所不顧。戰若不捷。則枕城而死耳。孰謂

城壘非武夫葬地乎。若以死為不祥。初不若不築城之為愈也。雖然吾生平不欲自用。况今危困瀕死。言恐悖理。何不飛驛乞旨。衆然之。遣健步報江戶。將軍將軍悅曰。正次言是也。城不可去。健步還報。正次感泣。尋卒。遺言火葬。棄灰淀川。將軍聞而惋惜。十七日。天皇詔賜改僧正天海號曰慈眼大師。十二月五日。賜彈正少弼增山正利一萬石為列侯。正利。世子所生。增山氏弟也。是歲兵庫頭寺澤賢高自殺。初邪蘇之亂。賢高坐削天草。憤悶無聊。舉塔蹂妄。命并河三郎兵衛第將士戰功。并河竊弄威柄。賞罰狼濫。原

田嘉種功最大而賞薄。衆欲為之爭訟。嘉種曰。家衆樹黨相攻。敗亂之基也。吾不忍禍主君。尋致仕而去。至是賢高發狂。入淺草佛寺自殺。無子。没唐津八萬石。其大姊守神平直基。其弟守神平直基。其弟守神平直基。

慶安元年春正月二十日。以台德公十七年忌辰。將至。脩佛事於增上寺。俄而僧徒數百。詬爭相鬪。松平信綱。伊丹康勝。諭之。僧徒罵曰。伊豆可殺。禿首播磨可歐。信綱怒。麾衆捕之。乃定。閏正月十九日。封大番頭。因幡守青山宗俊。於信濃小諸。賜三萬石。召見曰。卿父自吾幼時。傾心輔衛。忠懇切至。而吾年尚少。

未通事情。濫貶竄之。使忠節之士齎恨而死。悔無及矣。今吾之所以封卿者。欲慰卿父之靈於地下耳。卿善繼父志。以輔吾兒。言訖。泣下。宗俊感泣而退。三月十七日。甲斐守山崎家治卒。年五十五。子俊家嗣。夏四月十三日。將軍如日光。搢紳從京師來拜者五十七人。衛從甚盛。二十三日。還自日光。六月十四日。徙封大和守松平直基於播磨姫路。下總守奧平忠弘於出羽山形。十六日。兵部少輔古田重恒卒。無子。沒石見濱田五萬四千石。初。重恒放縱。厭苦久事。稱病不出。惟寵臣山田成高侍焉。成高本農夫子。重恒

嬖之。授一千石。老臣皆就成高問疾。成高一日招諸老臣謂之曰。主君喪心。取名刀寶器。命我以巨鐵槌碎之。我暫辭之。約以明日。老臣流涕曰。主君寶器無非太閤及東照宣之賜者。奈何毀之。成高曰。明日我必報公等。公等入諫之。老臣許諾。成高乃見重恒曰。老臣以主君久病。欲幽閉主君。更立公族。重恒大驚。成高曰。請待彼來。悉誅之。明日。成高伏壯士。促老臣入見。老臣皆至。壯士突出。悉殺之。重恒白將軍曰。臣老臣謀廢立。臣既已誅之。國事至此。臣不復立。後無幾。重恒卒。絕祀。世傳成高深懼殉葬。以計滅其

主也。二十三日右衛門大夫松平正綱卒。子利綱嗣。正綱自東照宮時統天下吏務。理繁治劇。事無壅滯。至寬永中始置勘定頭三人。實正綱一人之所綜理也。二十三日命彈正忠保科正真豐前守內藤信照守大坂城。秋七月二十八日命對馬守阿部重次襲父封三萬石。先是重次別賜五萬八千石。至是併食八萬八千石。特命往大坂處分父後事。八月十六日大和守松平直基卒。子直矩嗣。二十日丹波福智山城主稻葉紀通自殺。紀通與丹後國主京極高廣接境。嘗遣使乞丹後鯿魚。高廣怒曰。彼取之我安知。

其不餽之。權臣伏乃贈魚一百。皆去其頭。紀通怒曰。彼家士若經吾國。吾必殺之以報怨。已而丹後駛卒入其境。紀通登城樓發銃斃之。會紀通誅其家士。多所連及。餘黨大懼。流言紀通謀不軌。殺掠行旅。鄰國大驚。龜山城主松平忠晴出兵境上。告變江戶。遠近繹騷。阿部重次方在大坂。令諸侯出兵備變。紀通大驚。遣使京師告所司代板倉重宗。辨其誣妄。重宗報曰。執政阿部氏今在大坂。宜就告之。紀通將發。國中相驚曰。鄰國兵至矣。紀通歎曰。鄰國誤我。遂剗腹而死。子大助尚幼。將軍命美濃守稻葉正則錮之。沒

福智山四萬五千七百石。二十五日遣黑澤木工助  
荒木十左衛門於陸奧買馬。冬十月二十八日流日  
光山僧十二人於佐渡。十二月十一日命作武藏上  
總地圖二十五日。將軍臨隅田川別館是歲明人  
鄭成功遣使長崎。乞援兵不報。二年春二月十一日徙封丹後守西尾忠照於駿河  
田中。十八日徙封民部太輔朽木植綱於常陸土浦。  
二十八日徙封主殿頭松平忠房於丹波福智山。能  
登守松平定政於參河刈屋。先是因幡守松平延良  
卒無子。没信濃小諸五萬石。是日封弟良尚於伊勢。

長嶋賜一萬石。三月六日召諸侯口如聞。近歲犯禁  
奢侈。自今已後宜務儉約。十日召麾下士申前令。夏  
四月五日。世子臨河內守酒井忠清第。八日執政  
傳命西海諸侯口邪蘇之徒屢來乞互市。至今不已。  
或言今歲當來長崎。彼果復至。生殺在我。事未可知。  
也卿等宜待阿波命出兵十日。世子如日光。二十  
三日還自日光。六月九日徙封式部少輔榊原忠次  
於播磨姫路。能登守本多忠義於陸奧白川。松平直  
矩於越後村上。二十日地大震。江戶城石壁崩。諸侯  
第宅傾倒。壓死者衆。或中墜瓦而死。是後多以板蓋

屋。秋七月四日徙封山城守松平忠國於播磨明石。若狹守松平康信於丹波篠山。日向守永井直清於攝津高槻。加賀守大久保忠秀於肥前唐津。十日琉球來聘。二十五日地大震。八月十二日徙封周防守松平康映於石見濱田。二十九日先是紅毛來報曰：嚮遇南蠻舟於清國海上。舟中有邪蘇徒二人。是日命山陽南海西海諸侯警察海濱。冬十月十四日禁以地子借宅。二十二日。將軍臨加賀守堀田正盛第問病。十二月二十六日肥後侍從細川光尚卒。年六十一。殉者七人。子綱利嗣。先是光尚病篤。將軍

遣讚岐守酒井忠勝往問。光尚謂之曰：僕有大國無寸功而沒奈何。傳國幼兒。請納土幕府。待兒年長。收錄之。將軍聞之歎異。光尚尋卒。綱利年僅七歲。將軍召其老臣。命曰：肥後西海衝要。今光尚既卒。嗣子幼。宜徙封之他處。而細川氏自忠興以來世篤忠貞。其遺言亦有可取。故特命襲封汝等。其協心輔翼。令豐前小倉城主小笠原忠真處分其國事。又遣使巡撫。是歲。將軍憫稻葉通紀冤死。召子大助。賜以父資財。

三年春正月加賀守堀田正盛病篤。衆醫束手。服狩



野玄竹藥而愈。正盛贈以千金。將軍聞之大喜。又賜玄竹千金。其殊寵如此。三月七日紅毛來聘。二十四日地大震。日光神廟石壁崩。石華表折。相輪塔陷。是月脩西丸。諸侯獻銅鐵竹木雜品。夏四月朔朝鮮舟漂至長門。七日命諸侯六人曰。城之內外若有火急。發騎來救命。諸侯救火始此。五月七日尾張大納言薨。年五十一。殉者五人。世子光友嗣。初大納言病篤。謂世子曰。近世浮屠盛行。死者必命法名。吾不欲倣之。乃與林道春議。預製神主。自謚曰敬。凶禮不用浮屠。自大納言始也。大納言好學。營聖廟於城中。行

釋奠禮。宗室好學。大納言為之首。唱云。六月四日雨。毛長四五寸。二十日地大震。江戶城樓櫓壞。秋七月二十七日畿內諸國大雨。水八月六日令紅毛人放礮於牟禮。七日武藏秩父大電。飛鳥多死。二十七日將軍遊王子。二十八日復遊王子。九月二日尾張美濃伊勢大水。十日前越前參議忠直卒於配所。年五十六。二十日以豐後守阿部忠秋為世子。老臣二十日。世子遷居西丸。二十五日。世子受諸侯賀。冬十月十六日。天皇遣使賀。世子遷西丸。二十十五日遣使諸國。驗視水損。晦。將軍放鷹隅田川。

閏月三日長府參議毛利秀元卒。年七十二。子光廣嗣。九日將軍遊淺草。四年春正月五日長門少將毛利秀就卒。年七十七。殉者七人。子綱廣嗣。是月將軍不豫。二月三日紅毛來聘。三月十五日前日向守水野勝成卒。年八十八。勝成愛士。恒謂其臣曰。吾以卿等為子。卿等以吾為父。嘗出獵。見一人嘗事勝成者。問曰。聞卿仕越前。食千石。何為復來。其人曰。主君愛士之厚。臣不能忘。故辭祿而來。勝成大悅。給以原秩。其後勝成致仕。復出獵。過其家。見門閉。怪問。左右曰。彼忤新君意。辭祿。

而去。勝成歎曰。吾見待士之薄。一至此乎。奇傑之士不肯枉己從人。為之君者。最當優容之。彼棄越前厚祿。慕我家微祿。志不在利祿。奈何不能禮遇而使之去國。古少時周流諸國。風餐露宿。艱難備嘗。故人情物態。略能通曉。一旦身為列侯。頗得士心。幕府富有四海。尊卑隔絕。上下不親。顧其所以待士者。不能及諸侯。吾見僅食福山十萬石。乃欲襲其弊。風邪吾家不復振矣。聞者歎伏。十八日召水戶士伊藤忠一觀擊劔。夏四月三日賜公子長松德松食邑各十五萬石。四日徙封下總守本多康政於近江膳所。先是

膳所城主石川忠總卒。孫昌勝嗣。是日徙封之伊勢龜山。十七日先是改造寬永寺東照宮廟。至是成將軍以不豫不能往。謁令世子代之。二十日將軍病篤。遺命三藩曰。家綱年未滿十五。卿等輔衛勿就國遺命。左近衛權少將源正之曰。卿善輔吾兒。遺命執政曰。政事一遵舊章。是日薨。年四十八。對馬守阿部重次謂加賀守堀田正盛曰。吾與君俱殉葬。正盛驚曰。君當輔翼幼主。安得此言。重次曰。將軍之流駿河殿。令重次傳命。當時已以此許將軍。今日必踐其言。乃執正盛手出城。還家皆自殺。信濃守內

田正信亦殉之。式部太輔榊原忠次聞之曰。執政何不豫。請將軍止之。使國家失良臣。執政之罪也。五月六日葬大猷公於日光山。從遺命也。初將軍朝京師。天皇欲以為大政大臣。遣中使諭旨。將軍固辭。中使諭以祖宗故事。將軍以為吾德不及祖宗。而襲此官。天下必生僥覲之心。遂固辭不拜。其戒盛滿如此。十七日天皇遣使贈正一位大政大臣。六月二十五日嗣君見三藩及諸侯於白書院。秋七月十九日能登守松平定政坐喪心沒。參河刈屋二萬石。命其兄隱岐守定行錮之。先是定政

招彈止少弼增山正利等於家密謂之曰吾欲為  
故將軍死者久矣今爾嗣君幼冲執政輔導失宜天  
下必亂吾將贈書規執政乃託以其書衆大驚然不  
得拒乃致書井伊直孝直孝與同僚啓視其書悉記  
夢末云令我食祿何敢出此言今已遯世所以有此  
言也執政皆驚問定政所為則已與二子俱薙髮僧  
衣佩刀擊鉢於市曰松平能登入道乞食嗣君命  
定行錮之越中守穴網亦其兄也馳使報曰臣聞定  
政喪心從桑名馳入刈屋發衆遮路令曰若遇定政  
面上必縛送之而今聞彼已為定行所錮敢報二十

三日弓高藤四郎訴曰駿河人由井正雪處士九橋  
忠弥謀不軌將火江戶正雪由井洙家子幼時父欲  
使之為僧不聽去遊江戶適有一老人自云楠氏之  
後家傳兵書正雪從之遊約為父子冒楠氏以兵法  
教授弟子甚盛正雪遂蓄異圖然深畏備前將光  
政密造提燈畫池田氏徽號或潛報之光政光政方  
食投箸而起直往執政家密議適會藤四郎上變謀  
遂露時正雪還駿河聚黨唯忠弥在江戶二十四日  
執政將執忠弥松平信綱聞其善用槍恐多傷人夜  
遣石谷貞清等圍其家連呼失火忠弥登樓望之衆

乃突入檢之。并其弟子三人。執政遣駒井右京於駿河捕正雪。二十六日。右京至駿河。令市中曰。江戶盜有被創逃逸者。市中旅人皆當露索。速錄進其名。遂得知正雪所在。乃遣衆圍之。佯為驗視。將捕之。正雪令從士六人。赤體佩刀出見。衆促正雪。正雪佩小刀。執杖出謝曰。正雪紀藩士。人不得露形體於衆中。願借輿往市廳。衆許之。正雪入久之不出。衆怪之。突入則與其徒九人皆已自殺矣。執政藉賊黨。獲紀伊大納言書。大驚。伏甲士於城。召大納言。示以其書。大納言徐覽之。從容曰。此國家之福也。方今主幼國疑。萬

一賊偽作諸侯手書。則人心疑懼。處置太難。今乃擬吾書。此易辨耳。卿等若不釋然於我。則我常納吾國以待命。天下無復可憂矣。喜見顏色。一座歎伏。先是正雪因人請。大納言曰。願執賤役以事公。老臣加納直恒曰。焉有兵家而執賤役者。是不可信也。議乃止。人服其先見。八月十八日。天皇遣使拜嗣君為征夷大將軍。叙從一位。任內大臣。時年十一。二十九日。遣彈正少弼增山正利於日光。告錫命。是月阿部重次子定高堀田正盛子正信內田正信子七十四郎竝襲父封。九月六日。先是造東照宮廟於參河。

鳳來寺。至是成。遣壹岐守小笠原忠朝慶之冬十月  
二十六日志摩守山崎俊家卒。子治賴嗣。十一月十  
一日徙封下總守。本多俊次於近江膳所。增二萬石。  
二十五日越中守松平定綱卒。子定良嗣。二十八日  
左門戶田氏鐵致仕。子氏信襲封。二十九日礪丸橋  
忠弥以下賊黨三十餘人於品川。十二月十一日令  
日家人年未滿五十。臨死請養人子者許之。五十以  
後未定繼嗣。臨死請養人子者不許。二十八日紅毛  
來聘。是冬執政議曰。正雪等之倡亂。應者皆遊士。遊  
士為害甚大。請悉逐之。境外以除後患。阿部忠秋曰。

不然。諸侯皆會江戶。故遊士皆來求仕。自然之勢也。  
一旦逐之。彼乏資財。去將安歸。不聚為群盜。則散為  
劫徒。其患大矣。故今能驅之海外則可。不然海內之  
地莫非幕府之統轄。彼肆害諸國。孰非幕府之  
憂。且一夫倡亂。而千百人皆被逐。無乃取笑天下。  
井伊直孝曰。然。遊士何足畏。畏而逐之。何以制天下。  
議遂止。

男延年 校

聖文恭和卷二

...

...

...

...

...

...

...

...

...

...

百

七册ノ存